

0 1cm 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28



浙江圖書館



浙江圖書館



浙江圖書館



浙江圖書館

皇明名臣琬琰錄卷之二十八



鶴溪先生潘公墓碑銘

南寧知府蔡君墓表

蔡公行狀

懷慶知府呂公墓誌

葵軒沈公墓表

東海張公墓誌銘

王公存敬墓誌銘

李君從質墓誌銘

瑯琊

王世

貞續編



李東陽

吳寬

祝允明

馬中錫

李傑

謝鐸

王俊

李東陽

浙江圖書

陸君士弘墓誌銘

余公宗鎮傳

邵君文敬墓誌銘

俞公廷臣墓誌銘

知府文君墓銘

劉公良玉墓誌銘

蘇君介福墓誌銘

馬公世用墓誌銘

知府張公墓誌銘

開封知府張公墓誌銘

浙江圖書館

邵寶

石瑤

王與

王鏊

吳寬

毛澄

邵寶

王崇慶

顧清

劉龍

杭州知府呂君墓表

陳某傳

約齋張公墓誌銘

徐臨江墓誌銘

瑞泉南公墓誌銘

漳川康君傳

崔銑

黃金

方鵬

吳鼎

馬士驥

許宗魯

浙江圖書館



浙江圖書館

福建興化府知府致仕進階亞中大夫鶴
生潘公墓碑銘

李東陽撰

鶴溪先生潘公諱琴字舜絃年二十四舉鄉貢在太
學者十年三十四登進士第歷南京吏部稽勲主事
改兵部武庫遷職方員外郎郎中擢福建興化知府
致仕以

詔例進階亞中大夫凡在官三十九年家居三十八
年年九十而終潘氏譜傳為唐望族有諱忽者自餘
抗徙青田今分景寧縣所居地名沐鶴溪越若干世



矣曾祖諱聖祖諱鉞考諱沆號善齋處士以家教聞
封南京吏主事母王氏有淑德

封安人公生在永樂甲辰六月二十八日幼警敏蚤
邃經學尤博極史籍為文章典則有古風致性嚴重
不苟合其舉鄉貢在正統丁卯舉進士在天順丁丑
官南曹在辛巳以後至成化辛卯乃有興化之
命建社學毀淫祠禁端陽競渡元宵放燈舊族每以
片言折獄庭無番案籍廢寺田以贍公用鉅細出納
皆有籍記可覆按蓋戒外舅蒙泉岳公先守是郡執
法行政積怨成謗竟致其官以去繼者方以簡靜獲

譽公實再繼益大為施設不避權貴人始譁而終信
自己亥致仕以來口不道世事足不至公室惟教子
姓及鄉後進文學齒德隱然為東南重雖踰耄耄神
采精健不異少壯時所著有竹軒稿七卷詠史詩一
卷忽夢人贈以詩曰吾將還造化矣會小疾即移正
寢戒婦女無敢近及晡而逝則正德癸酉歲除日也
公群行悉備尤敦孝友創祠宇修宗譜闢祭田修累
世祖墓自為贊記族子翰林編修時用今稱南屏先
生者公實子教竟以學行被薦大鳴于時公嘗作壽
藏于苞鳳山遷先配陳安人及繼室李安人同葬而

虛石以俟公之孫

淮府典膳播及按以卒之明年甲戌九月壬午日空
焉昔公嘗致書屬予銘其先封君及其子國子生寔
之墓予締姻南屏書問不絕公壽自七十每十歲予
皆賦詩寄賀而後詩不及見矣比播叙公年譜南屏
著行狀謂非予莫可為公銘者予已老病舊學荒落
不能模寫盛德謹述其族里事行而重之以銘銘曰
彼言之嘒嘒而^行滔滔求古於今我心實勞不鈎距以
為能不門戶以為標旣寤世夢亦解天殺如^公者何寥
寥也然而隱豹于山鳴鶴于臯道德內腴文章外彪

我欲辭名而名莫我逃擬今於古將不為知止之疏
乘化之陶乎

浙江圖書館

浙江圖書館



浙江圖書館

明故中議大夫廣西南寧府知府蔡君墓表

吳寬

惟蔡氏為吳故族居震澤山中其先在宋有仕為秘書郎直煥章閣曰世洪者從駕南遷始居於吳數傳至吉甫吉甫生仲簡國初以人材徵稱疾不仕仲簡生桂芳桂芳生景東景東娶於徐為處士庭栢女生君為長子其諱蒙字時中別號果育年十一舉為縣學弟子太守况公視其氣貌竒之撫其首曰此子異時名位當如我稍長治春秋學業勤時臨川聶大年分教常州往從之游三試於鄉不捷年三十貢入

太學傑然諸生中為兵部尚書馬公昂所知以曹
務繁重奏俾專司章疏數月以勞多即入吏部選選
在優等始授溫州府同知溫於浙江為大府君才優
適稱府中有事太守輒咨之以行未久惠義及民甚
深而名譽益起成化戊子屬邑泰順山中傳有銀鑛
閩括流寇群聚爭奪殺傷遍野邑里騷動事聞於
朝命中使盧某來督官兵勦禦賊聞兵且至焚橋塞
路其勢愈盛候吏馳報時夜漏下二鼓君啟馬起遽帥
壯健五百人往撤石通道伐木為輿梁官兵旦至乃
渡會大雨雪不可進凍死甚衆衆議募民壯補伍擣

賊巢穴公曰彼皆烏合之衆苟益兵制其死命其勢
蹙祇益亂耳無若遣一職往諭以禍福為便衆然之
遂推君行君毅然深入賊窟落反復諭之賊感悟立
解散兵休而還公復建長久計取民之疆勇丁衆者
立為銀賦長領坑夫若干事採鑿民始無爭奪之患
樂清有田數千頃為山潦衝激壞為沮洳場而公稅
如故破產者甚多君往相地勢浚渠築塍時蓄洩慎
防護田遂還為膏腴而民益有蓄洩之利君治績既
多御史上於朝獲封其父如其官階奉政大夫母
妻皆宜人已而浙東饑大臣奉敕往綏撫之兼陟黜

官吏未至君豫儲粟至五萬餘石以備賑貸若僚屬
以下悉條其賢否上之大臣以君可信多從焉秩滿
將赴吏部而郡方闕守民日擁上司言蔡候為宜於
是藩臬皆上疏道百姓意未報丁奉政府君憂服除
陞湖廣辰州府知府道間丁母徐宜人憂服除改廣
西之南寧下車即集父老察問民間利弊民甚安之
三年夷俗漸化如中邦宣化縣民競渡誤死被誣入
故殺律連七人頌繫淹久壘政不決始得其情得釋
已而大雨彌月烽潦入城居舍蕩沒民漂死以千數
君齋戒帥僚屬禱於山川等祠為文引罪以祝是日

水即退視被災者悉賑卹之田州守岑浦自恃上官
驕悖不法與其族弄兵相攻殺君以直詞曉諭皆感
服釋仇不復敢爭至於興文舉義明獄足食諸事盡
瘁不懈以勞致疾乃上章乞歸既得命即日行明年
今上即位詔致仕四品以上進一階得中議大夫越
七年癸丑八月七日以疾卒春秋六十有八配沈氏
生女一人適馬璿側室秦氏生男一人習聘徐氏女
二人長贅勞麟次適徐鵠君之沒習始九齡又四年
丁巳麟等率習以某月某日奉柩葬於綺里穀堆山
陽奉政府君之側先期與其姪羽奉狀來請文惟公

少居鄉閭為知名士及入官輒獲手上政績有聞於
時蓋其為人通而不流和而不泛才足以治繁而濟
之以勤其^量足以容衆而守之以恕此所以綽綽手能
舉其職也君他行可稱者尚多而尤有志於用世惜
未究其所至何如耳乃書此表之以慰君於地下云

浙江圖

中憲大夫廣西南寧府知府蔡公行狀

祝允明

公姓蔡氏諱蒙字時中其先自汝南徙汴曰世洪仕
宋為秘書郎直煥章閣從國南遷子太伯僑居包山
後遂為吳人數傳至仲簡國朝以人材徵至京未
授官以疾告歸生桂芳桂芳生景東娶徐得處士庭
栢女是生公年十一在鄉學父老舉于郡乞升邑學
太守况公撫其首曰此子異時官當至吾位即補為
縣學生三試于鄉不捷貢入胄監兵部尚書馬公昂
奏以曹務機要上下疏牘所係不輕不宜專委胥吏

當簡太學生文行明慎綜達時務者俾專司繕錄因
錄其功以高其入銓常資 詔從之公在所簡歷事
僅半年天順甲申吏部校績優等授浙江温州府同
知階奉政大夫蒞官勤養民惠成化戊子銀發屬邑
泰順山中閩括流寇群聚來劫據山曠挺兵殺傷遍
野邑里騷動藩臬以聞 朝命中使來督官兵勦禦
之賊聞兵且至焚野撤橋疊石塞要路候吏馳報公
時夜漏下二鼓公驚起曰橋斷路窒兵何由進遽帥
壯健五百餘人往撤石通道伐木為輿梁官兵且至
乃渡會大雨雪不可進凍死甚衆議募民壯以補伍

擣賊巢穴公請曰彼皆平民烏合覬僥倖之利非有
團固心苟益兵制其死命其勢蹙必衝突轉鬪屠戮
更多傷良民非計無若遣一職諭以福禍當免兵而
戢矣中使宣言于衆當從蔡同知言衆言固當從獨
難其人其人將非蔡同知不可者中使曰然公毅然
請行即深入窟落反復諭之賊感悟推其魁詣公曰
民等愚惑冒干天誅公賜戒數千人得生路敢不遵
伏當就公前請餘命復歸事農為太平民語罷立解
散兵休而還公復建久計取民之強勇丁衆者立為
銀賦長領坑夫若干事採鑿取富殷者即坑側為廬

舍居之俾禦寇各給糧餉事集而民寧焉樂清田數
千頃為山潦衝齧壞為沮洳場而公稅如故破產者
甚多公往相地得水所由道命因其勢浚渠築塍時
畜泄慎防護遂田還為膏腴御史藩臬咸上其事
朝廷嘉之錫以旌異之典封父如其官母妻皆宜人
癸巳浙西饑上意有司不職命工部侍郎曾公都
御史劉公繼往綏撫蕪覈屬吏臧否存黜之公聞命
豫規畫積粟五萬餘石備賑貸及二公至果徵粟於
有司公舉而發之如發囊二公大獎異遂委公考察
府僚以至屬邑官吏公疏條某賢若某狀某不肖若

某狀上之二公多從焉於是註公績為通省十三府
最將薦諸朝適公秩通滿赴天官而郡方缺守民日
擁憲司言蔡侯當擢他土民等失慈父願為違

天子借蔡侯守此終子戒溫人於是憲臣偕藩上疏
道百姓意未報而奉政之計自家至公奔喪歸戊戌
起復陞任湖廣辰州府知府之任道間太宜人之計
又至遽馳還辛丑起復改廣西之南寧下車集父老
問土俗拔弊通利民甚便安又以郡庶華夷雜揉易
養而難教特加意於是三年俗成如中邦宣化縣民
競渡誤死被逮入故殺律連七人訟繫淹久累政不

決公得其情卽釋之田州府土守岑浦驕悖不法與
其族爭鬪兵相攻殺傷人其僚佐素畏之唯唯承
附公獨往以直詞曉諭皆感服釋仇其喜建事多類
此久之疏乞骸骨得命致仕明年今上卽位詔致
仕四品以上進一階公得中議大夫越七年癸丑八
月七日以疾卒生以宣德丙午八月五日春秋六十
八配沈氏生女一適馬某次室秦氏生男一曰習女
二長贅勞某次適徐某公之沒習始九齡諸婿相之
以某年月日奉柩葬于綺里穀堆山陽先事以公遺
行請予為狀謹狀

中順大夫懷慶府知府致仕呂公墓誌

馬中錫

弘治十五年二月十日懷慶知府致仕呂公卒於家
距其生宣德五年三月二十一日壽七十有三其子
韶以是年四月二十日將葬公於幽詣予請銘念公
與予金蘭膠漆畢世追隨而韶又予子婿也銘豈可
辭公諱恕字希仁故城之西田村人晚以西田自號
祖臻以南監諸生官終山西壽陽主簿考敬妣劉氏
公四歲而孤兄忠方七歲零丁孤苦無所於歸依舅
氏以居少性聰穎讀書過目即成誦不忘稍長遊邑

庠才學夔出流輩甫弱冠領景泰癸酉鄉薦明年登
進士吾邑有進士自公始之明年授行人屢使四方
不辱命三載進階脩職卽九載陞禮部儀制員外
卽成化初朝廷禮儀多所建議未幾陞前職在任
六載政平訟理人咸稱之辛卯以疾引歸年總四十
餘君子以方常保微錢若水云居家三十餘年日與
鄉閭賢哲詩盟棋社取樂性本強記又嗜學乃至手
不釋卷故暮年挾負浩渺深迥莫可測識醫經農冊
稗官小說下至星曆卜筮之談俱成誦無所滯爰吟
咏然不甚經意以所學旣富時出警句卽進逼古人

尤喜汲引後進垂髫幼稚稍可與言即與日談理道
終日不厭人人自以為得所師古人有言內無嚴父
兄外無嚴師友而能有成者鮮矣觀之公何如也函
丈薰陶過庭詩禮平生耳目未聞見奮一經于桀獨
博群籍于衰暮若公者可不謂雄豪之士矣乎配李
氏贈孺人繼侯氏封孺人再繼吳氏故大司空中之
孫亡妻母弟也子三人長即韶邑庠生音娶于甥郭
氏韶未娶女六人皆適宦族孫男女各三韶所生也
皆幼墓地在北郊五里外銘曰豐于得乃甘于寂洞
于識乃厭于棘若有友兮邦之特群飛刺天窮八極

誰能歛戢垂雲翼畏途漫說轅端飾讀書誰祛斷輪
惑悠悠彼天奪我英賢後其感衍視此銘鑄吁嗟乎
西田



浙江圖書館

重慶府太守蔡軒沈公墓表

李傑

吾邑有厚德君子曰太守沈公其政教施諸官其勤
儉行於家其信義孚於鄉黨縉紳士大夫皆推為達尊
若公者豈易得哉公外質直而內詳敏績學種文淹
貫宏贍而不自表暴人罕知者年幾強壯始領成化
乙酉鄉舉同舉者或侮之公不與較已而連登丙戌
進士第授刑部主事時有疑獄久不決公一訊得其
情老於法者自以為不及也遷員外郎中按事福建
名重藩臬大司寇以公才任繁劇更公于雲南司理

京邑訟事公處之裕如也遷泉州郡守始至辨偽造
倉印人已懾伏憲司訟有難理者多下公覈實歲冗
旱禾稼將槁公禱于天有願損十年壽化為三日霖
之言精誠所感不信宿而大雨沾足以泉庠舊無經
師興化聘進士黃乾亨舉子林沂至郡與諸生講解
詩書二經義指授以為文法度泉之文風媚然勃興
登科第者幾倍於前丁內艱服闋再守重慶興學校
以勵士風節冗費以阜民財省徭役以紓民力令家
僮歲致杭米以供饗飧郡人有侯食蘇州米惟飲巴
江水之謠三載述職巡按御史及藩臬長皆列其政

績達於天官期大用公而具竟力乞致政以歸歸則
惟教子讀書親課其舉業勤於治家條理精密與人
交情誼懇至人亦敬信之無敢慢者雖小夫窶人有
善行輒稱揚之不置里巷之貧乏者知則必賙之見
禽魚之鬻於市者恒贖放之平生所行皆真心實意
非勉強然也今年踰八袞蒙

詔進階三品日與鄉

之壽俊為文會飲而氣體不衰步履便健與少壯者
無異其壽蓋未可量也公諱海字觀瀾號葵軒蘇之
常熟人祖天祿父伯通贈主事母朱氏封安人配朱
氏亦封安人子三長曰韓廩食邑庠次曰范曰虞皆

游學成均質美而文仕進有階矣公豫營壽藏于虞山之壽昌麓其後事蓋無不豫者可謂達生知命者歟以予為同年而知最深必欲豫為之表故不辭而最其行如右使百千歲後過公墓者知為厚德君子

浙江圖

中議大夫贊治尹泣西南安府知府東海張公
墓誌銘

黃巖謝鐸撰

成化丁未夏六月十有三日南安守華亭張君汝弼
以疾卒于華亭之故其子寧海令弘宜將子是歲冬
月日塋君祖塋之次屬吾台郡守葉公崇禮以狀未
請銘於予予尚忍復銘君也哉始予天順初與吾友
今亞鄉黃君世顯故方伯陳君士賢僉憲林君一中
識君於禮部蓋三十年于茲矣慨念疇昔一代交游
稱豪傑士若諸君者固落落可數予驚下病且不死

既銘吾一中又銘士賢而尚忍復銘君也哉君諱弼
姓張氏汝弼其字也其先汴人八世祖稱斗山先生
者宋南渡始居松公之華亭曾祖庠以易教授鄉里
祖子英早世父熊應以睦疾稱號村居子用君貴贈
兵部主事母胡氏贈安人君少穎異過人既壯以詩
經領景泰癸酉鄉薦登成化羅倫榜進士倫以言事
忤宰相去國君作詩慷慨送之未幾拜兵部主事轉
員外郎以遂有安南之命南安兩廣要衝大山長谷
亡命嘯聚為民患者蓋衆君下車悉捕滅之尋慮民
之貧而勞役弗息也函請諸當道者俾君節之且得

以食其力于商而橋梁道路之利因亦以時興焉既
又毀淫祠百數十區為社學凡先哲之嘗蒞茲土者
若張九齡李剛劉元城諸公皆特為立立祠至周程
三先生則既祠而又別立吟風弄月臺以深致景仰
蓋於教化風俗之大者其惓惓又如此初君之外補
也人咸惜之謂若君者盍留以羽儀明廷以藻繪一
代大平之盛治君固不薄淮陽而卒有成績至是始
謝病歸歸之日民蓋相與立生祠焉歸方三年天竟
不憚遺以卒距其生洪武乙巳享年六十有三於乎
惜哉配王氏封安人子男五長弘正次即弘宜以進

士拜今官次弘至邑庠生次弘圭弘玉次弘金女二
李觀顧行已其婿也孫男四性協忻恪女七所著有
鶴城天趣清和慶雲諸稿凡若干卷號東海翁手稿
若干卷行于時蓋君手筆也君以靈識異稟克之學
問老且不倦詩與文幾成一家草書之妙論者至推
為一代冠冕然世之所謂文人者類近浮薄君獨惇
尚行履慨然以風節自將雖論議間雜諧謔而往往
必以理勝故彭都憲鳳儀嘗論其天分人品問學政
事有如此者而君亦嘗為予戲評其所能曰人故以
書名我公論哉吾自視文為最詩次之書又次之其

他則非吾所敢知也恒相與一咲而罷噫昔人稱趙
孟頫為書畫所掩世莫克盡知其文章與經濟之學
然則君所以自道者其亦有敢於斯於乎斯文非細
故自文與道雜而後世之所謂文人者始為大賢君
子之所鄙然則文豈易能哉故予又既君之文而銘
之以見吾人之所謂文者正在此而不在彼也銘曰
東海之東有氣如虹凌雲厲空人曰坎劍獄之鋒孰
知其下文塚之雄於乎萬靈所鍾鬼護神封後千百
年茲其不墜於地耶尚有考乎吾銘之公



浙 江 圖 書 館

中議大夫贊治尹興化府知府王公墓誌銘

王俊

公諱弼字存敬號南郭王之先錢塘人五季亂始祖
棄卿之黃岩寧川家焉南門自鉉徙鉉生全祿全祿
生阜阜生矩是為公父鄭重宣朗為和州判官有名
以求養親致其仕以公恩封刑部主事劉氏妻丁封
安人公第謝遷榜進士知溧水溧巨滑席勢武于鄉
無誰何問公募獲論死溧人稱萬口為快有湖可田
公督民隄果田中貴人視馬歲賂公言非公弗與循
以至今三年入為刑部主事轉負外郎差讞山東

大獄還拜興化府知府或為公難則曰第視之既至則曰是故秉禮之鄉視深易與則畫出古意為之律身必端布令必信制席必節祀典必嚴科貢必厚郡孝節必舉以旌或扁其門曰三節曰雙貞曰一鄉善士或臨事其家或設賓榻如陳蕃孺子然飲射一宗儀禮登降拜跪晝日無惰容俗婚喪過侈俠子事賭博家為落公設牌正副定中書式勸戒文使時開諭弗變伺舉以懲五伯攝人狼假為虐公立三限批明書期日投訟者自付被論執就理後期有笞民得無擾賦稅更徭吏胥多舞智公身自處分使受成案無

所與事苞苴杜絕俗喜吏夤緣勢家否則主自偕價
公必俟藩司具名牒下方與覆實顏風大沮狡僮盜
墓松山伐遂楮豪右私牙僧通海舟販糶穀價遂翔
貴公皆禁治之守臣更驛法非人情公譬止不可疏
復其舊溫文進鈔漳州守者白遣民兵自益公曰莆
瀕海宜以自防遂勿遣養濟居河上游水汙大風家
闔城病之先是欲遷輒格不行公擇厲壇之右立屋
園井厠視舊特軒敞以餽其便則立與移出悉故屋
焚之平其地立射圃端午競舟長訟耗費禁者之要
領迄未能息公使自實盡市以修橋梁私匿逮及社

人無縱藝源頓塞前政多因循學校壇宇公廨木蘭
陂陽城斗門堤塍路道多圯則為之蔡忠惠祠岳蒙
泉祠李守衣冠藏彭惠安陳太常卿賜葬則又為之
漏澤院隘則別增之它若牌坊亭碣不可勝載費盡
出積餘民無所與為知公牘叢委笑語指揮每旦日
視事日中則庭無留人坐公堂閱古書宿弊清汰而
利所宜興無復後遺獄訟衰止盜賊屏息治理書天
下最莆百餘年之守宜未有先者故公安于莆而莆
若不可一日無公德者感罪者愧無怨去而思來而
喜病而禱而卜沒而祠而碑請衣冠而葬風謠盈耳

哭者聲必哀盡焉實弘治戊午十月二十四日也公形
短無中人而神觀英爽明炳幾先孤脫凡累隱然古
君子自期天下視為國器仕餘能自力為詩清硬崛
竒巋然山谷老氣在刑部稱小翰林嗚呼海內如公
厥亦指無多屈矣公之神必祀鄉賢蹟必傳循吏詩
必傳於今與後無疑蓋棺事定後得銘所以死者生
已已八月十有一日子培增坊墀堦臺增坊為邑庠
生墓在方山之原致封君之命歸喪且速銘者公兄
烜也銘曰於以彭於亦以殤脩短乃常於以顏於亦
以躐萬物迺躬維霸相維館師維終乃庇天恡靈竒

完乃破高乃寡和維立艱難成又難維斯弗竟式乃
有公則能死



浙 江 圖 書 館

明故山東萊州府知府進階亞中大夫致仕李君墓

誌銘

李東陽撰

君姓李氏諱縻字從質其先望于隴西元季有諱成者居
鳳翔國朝永樂中徙河間之任丘居廢州城南為鉅
族考諱溥登陝西鄉薦累官山東東昌府學教授贈儒林
郎光祿寺丞生四子君其長也生而凝重不浮儒林公遂
易學歷湖蜀秦魯間多所造就因以授君君補縣學生提
學闈御史禹錫賞所為文試必居首游至四十餘輩任
丘士多業儒傳易者實自君始成化甲午舉京闈戊戌登

進士知上海縣賦訟叢沓持以鎮靜和而不狎每有鞫問
人稱爲明以外艱去民遮道攀送有下泣者服闋被徵復
以內艱去服再闋擢光祿丞越六年當弘治壬子遷少卿
南京工部解 御膳供應物至卿胡恭者以鄉人不爲檢
視典守者因出空文後事覺恭坐貶連引諸僚佐君以丞
時事出同知青州府家人咸怨恭君曰命也會二第連喪
曰此亦恭邪又六年戊午擢知萊州府值歲屢歉撫煦凋
瘵理疆界均力役捕劫盜六千餘人時勾稽此地戎衛欲
移患于民或議牧馬于萊又有獻地于 衡藩者皆力爭
以免招徠流徙與屬縣期約視多寡爲殿最旬月內復業

者至數千人民稍饑輒發粟施粥活者尤衆暇則修葺學
舍集諸生勵以行業萊人為刻石頌德焉越八年不調君
以子時已舉進士為翰林編修乃上疏乞歸吏部言其恬
退可嘉宜進以示勸特陞山東布政司右叅政致仕明
年得疾就醫京邸數月歸又明年病劇時亟欲歸省會

孝廟實錄

成有日又

朝廷將行黜陟之令君手書止之

自制棺斂處分家務曰無以為吾兒累也時憂甚弗暇他
郵亟具疏以請踰月乃獲命比抵家君已逝七日矣君
夙敦孝慕每見儒官輒加禮遇曰吾父嘗為是也世所遺

田宅悉讓諸弟群從子女皆為婚嫁處已慎密澹然無所
利有治事才而為寬厚所掩又耻自銜故鮮有知者時亦
用家學顯才器甚備所進未可量婦省事尤汲汲若弗逮
竟弗躬治命其志尤可哀也暨告喪于朝自狀父行以
墓銘告乃撮君之大者為銘君娶邊氏戶部郎中贈都察
院左僉都御史永之女以慈孝聞惟時一子女三人適國
子生安州楊舜任丘縣學生孫夔獻縣學生高相孫一曰
坦女孫四君年六十有七生正統癸亥九月十七日卒于
是年六月二十日十一月二日葬縣北東三里之原銘曰
駕于享衢既蹶復驅弗我車颿彼中流倏退以休式完

我舟尺蠖之屈

之揭非我

得彼逐逐者其欲其舍

無一非我

身有者存以遺我後人

浙江圖書館

浙江圖書館



浙江圖書館

明故南康府知府進階亞中大夫陸君墓誌銘

邵寶

南康知府陸君士弘得請致仕之三年弘治乙丑
階亞中大夫又七年辛未以疾卒又三年乙亥其子德等
卜新阡於邑富安鄉青山之原塋焉厥既有銘于幽復謂
墓前之石未有所刻則奉其從兄今南京戶部主事禮狀
來請初君有南康之擢也予視學江西以白鹿洞書院為
朱子遺蹟圖惟新之顧學田歲入民逋吏竊動戒稽閱聞
君來則喜謂諸生曰郡得賢守吾事將有託乎既而聞君
病且致仕則又相顧以歎比予東歸得一再見辛未北上

君病少間力而餞予湖上蓋不數月而君計至矣年五十
有八嗚呼惜哉君諱廣陸其氏士弘其字別號新齋世居
無錫梅李村君祖安字永寧 國朝永樂中仕至臨清縣
丞清勤有惠政於是子姓日繁析而城居臨清生民表配
趙氏有子二人君其仲也民表以君貴贈承德郎戶部主
事趙贈安人君年二十一舉鄉試乙未卒業南雍王文肅
公重其器屢稱於人已亥丁亥父憂弘治庚戌登進士第
觀戶部政以例歸省辛亥還部夢不利於母將告歸適公
幹江南因省焉居月餘母暴病卒人謂之孝感甲寅成祔
塋禮或賻之過君謝曰喪具惟稱不敢以家凡墓事雖細

必躬諸子請代君曰此固所自盡也乙卯授戶部山西清
吏司主事尋監太倉出納夙夜共職計及竹木蓄積率不
入於凶盜又疏請輸賈待用無棄無闕而人便之子已監
允于小灘戊午考三載稱以南便還奉父母贈 敕告于
墓已未巡督畿右諸倉蓋所蒞地凡千餘里內鎮外邊武
衛叅錯官吏士卒及防秋戍役若干萬人皆受給于君君
公平周豫畢精殫計而持之以恒事無遺奸論者才之以
涿為道中議闢分司寓家人焉以便巡歷或謂君曰且代
矣何庸是為君曰苟便於事代者安猶吾安也卒成之會
中官黃頌辭退莊田 上以賜 藩邸疆侵于民司徒簡

往覈者或舉君君毅然請行立為疆之民則大悅先是畿
內諸倉有飼馬菽久腐且棄或抵數給軍往往生怨君既
酌給更立輸買法平糴直給有備無壞且省道費以備荒
賑疏上行之庚申再考稱陞廣東司員外郎總監太倉出
納於同事有紀綱焉時京城米石銀三錢而山西輸者不
啻倍費君請令有司輸買如畿倉菽法壬戌陞湖廣司郎
中每裁覆章奏惟民情國計先後重輕不敢苟徇是歲南
康守缺吏部上君名比命下皆稱得人君行出潞河幼
子襁溺死蓋於是病疾遂有歸志是冬疏乞致仕癸亥得
命君歸建祠堂置祭田開塾延師凡諸家政畫然畢舉或

問君官改鄉人曰吾不知改觀其家可知已家居數年簡
出慎交人鮮于以私每鄉大夫社飲雞甚歡狎而深長之
思輒形于言既醉則瞑坐待醒非夜不就枕平居度步擇
言審視詳聽几筵書策各有常置蓋自諸生至歸自官不
愆于素云君卒辛未十二月十有三日癸以乙亥三月十
有五 日配周氏贈安人先三十二年卒繼侯氏封安人男
子八人長即德次律皆太學生次術衡御衢復從女子三
人長適莫鉛故兵部員外郎曰良子也次適鄒釗次聘于
吳汝愈孫男九人女孫十人銘曰

魏哉廬峰表于南極彭蠡既瀦左右引掖維山水郡天假

君守君雖未之名與不朽震澤底定西瀆東江鬱乎相望
七十二峰維山水鄉天錫君藏君則何與卜云其臧神依
者山其行如水陟焉降焉于彼于此儉勤惟德寅恭惟謨
惟君師古功在司徒水涯山麓有碑龜趺戒為刻詞惟求
世是圖

浙江圖

湖廣黃州府知府余公傳

藁城石瑤撰

余瓚字宗鎮京都人也舉進士為戶部主事負外郎擢真
定知府先是刑簡為真定寬平愛民號為不煩田濟亦簡
重持大体瓚繼之政尚嚴明洞見吏事刑敬毅然振作議
均徭法定為九則上出庸錢一兩中十之四五下什之一
州縣注諸籍歲有所用則稽閱取之民以為使吏有夤緣
為姦者輒逮捕以故無敢撓法又奏定馬政條格織悉備
具大約以寬民力不廢公家為止每行州縣必進人材士
民大感悅郡中稱治然性簡伉不能規下人每候行郡御

史裁再拜而已以故譏毀者多言其耀才他日御史劉某者當按真定意欲屈之甫至境上得知府投牒人使或未發封輒持小過宮辱之因以諫贄聞之個儻大笑曰是將噓我不置贄獨非夫哉會劉御史適留其僚王某者同汎舟大陸澤飲宴為樂迺移文論之曰寧訾地瘠民寡比歲旱蝗二公亦各奉命有公事池上之飲淹溜彌旬供張之具不無損於民者幸量移一邑時二人方坐廳事聞有府使至發書相顧大駭王本河東巡鹽御史也即驅傳去劉愈大恨之然不能害也自是上司益復設疑卒與後王使者柯忠構許移知黃州府未至道卒贄美姿神善持論遇

事侃侃無所屈真定當西南輻輳戚宦貴人過者公愾之
外饋不行州縣亦倚以為重率放布而行之民大省既被
謫後至言治者遂有白地等錢視瓚舊法增利數倍他徃
後日益繁閭閻委巷之間或歌謳興思吏不少顧奸賄冒
集聚歛賂削不可復制矣瓚沒後數年西北用兵大司馬
馬公每稱其才可任重託會閱各郡儲粟惟真定至數萬
石視他郡為多復言之朝加封爵云贊曰都下都多四方
賓客名卿鉅人士其間聞見自博往往有溷溷閑衍之意
然五方俗雜侈汰相矜修姱媮媮委成習故登仕籍者咸
不能吏事敗賊觸罔者時有之若余真定之長才儒識吏

道精敏復緣以儒接踵趙張可謂不係於類矣至其睥睨
一世寧折不撓則亦不免漸燕趙之故風與

浙江圖書館

嚴州府知府邵君墓誌銘

王 僎

予友文敬之喪將舉其宜人語其子天民天和曰吾聞之
莖必有銘死者將賴以不朽今爾父葬有日爾其圖諸又
曰吾聞爾父嘗從王丈游嘗稱其有文爾曷往求之其必
無辭於是天民天和奉其母命述其父履歷大槩來泣告
予以以銘請焉文敬諱珪姓邵氏世居宜興永定里自宋
元來已為聞家曾大父高霖大父之文穆父昉以子貴封
戶部員外郎母張氏封宜人君少踔厲不群不屑治生事
亦不意學弱冠遭家衰落乃絕去玩好折節讀書游邑庠

試藝鄉闈不偶即辭親入虎丘僧舍閉戶誦習攻苦數澹
凡三閱寒暑始歸而學有成成化戊子中應天鄉試己丑
登進士第授戶部山西司主事監三河草稅時有懷白金
未賂者君奮然曰吾以清白傳家勤苦發身乃遽從汝輩
鬻私耶呼從卒將擒治之其人怖服求貸者久之始聽其
去自是大司徒每稱君以勵其屬凡貨泉劇務多屬君料
理丙申奉 敕之南京督辦有程而志節逾厲戊戌陞廣
西司員外卽是年董賦于淮之常盈倉出納之際一秉至
公兵民兩受其惠君為人儒雅貌恂恂體若不勝衣而才
特達故所至輒著能稱治曹務每有餘暇輒從詞林諸君

子誄歌談辯朋盍為樂用是詩名盛一時而書法尤為士林所重然亦頗當路者所忌於是薦授貴州思南府知府時壬寅八月也思南命下君方與客圍碁客曰以君之才自當陟華近居臺寺要職柰何作郡縱作郡柰何遠去君曰古稱人生五馬貴握麟符以師帥一方茲行何負於我思南雖遠不猶逾於嶺南海表乎客壯其言奕且飲盡歡而罷歲十一月過家服金紫為壽具觴豆與族里相娛悅甫三日而嚴君奄卒君大慟幾絕居喪柴毀當是時其母年近八旬奉養不遺厥志既免喪後猶三年侍母側與君厚善者強之起方赴選部遂改授浙江嚴州弘治初

元閏正月至郡悉更舊政之弗利於民剖滯獄之積久未
決不數日立辨而囹圄為空闔境頌出一口而君乃煦之
以仁鎮之以靜而郡以無事凡守嚴半載而疾作君自度
不起乃呼天民等立床下語曰吾平生志願無不足但母
老在堂弗遂終養不能無遺憾爾言訖泣下目微瞑天民
等號啼復請言乃張目曰王伯大有云留有餘不盡之祿
以還朝廷留有餘不盡之福以還子孫吾言止於此矣君
等勉之卒之日戊申九月廿二日也享年四十有八宜人
龔氏武進令族由安人加封宜人三子天民娶朱氏天和
娶陸氏天時未娶皆府學生一女適太學生蹇益卒之又

明年十一月十九日塋所居西南蓮河原新塋君孝於親
友於兄弟交朋友接姻黨和而有義至於薦志問學略章
句之蕪而探索其奧旨用意文詞去藻飾之華而根抵於
六經留心政化陋功名之末而挽回於治古此予所知於
君而人知之者以為詩歌之富與書草之雄此特其緒餘
爾君作詩有半江帆影落尊前之句大為詞林所賞
因自號半江居士平生所作詩多散佚天民等收拾遺藁
得數百篇藏于家銘曰

有經世之才而卒掩於書有華國之文而徒名以詩年未
屆於五旬官僅止於一麾成之而遽奪其筭違之而竟嗇

其施此殆造物者之所忌而非人之所能為也嗚呼文敬
尚何悲耶

浙江圖書館

鄖陽府知府贈中議大夫贊治尹俞公墓碑

王鏊

中議大夫贊治尹前知鄖陽府事俞公墓在桐廬之黃蔣山正德七年少傅王鏊刻其墓碑曰公諱薰字廷臣成化中以進士拜監察御史出按真定等府中貴人傳恭家豪斂民田前御史率脂膏兩端莫敢辨公毅然割其田還于民且劾奏恭不法獲其黨惡者數人治之時恭方幸于上衆莫不為公危事且不測竟獲免出按江西九江外戚王氏萬氏勢方烜赫其下恣橫境中吏莫何問公執而械之貴戚斂避吉安知府許聰以剛愎凌上與臬司相訐奏

事下公時權貴必欲置聰死公持平不阿忤權貴意讞判
澧州至則檢閒田數十頃以業貧建義倉儲穀以賑饑大
築堰陂溉田可萬頃環百里無旱憂巡撫上其績擢知茶
陵又知安陸州時流民嘯聚于鄖急之則變緩之則為後
憂諸重臣合奏須才識如公者迺濟又擢公知鄖陽傳詢
民隱寬猛並施學校城池祠壇廨宇方秩然脩舉而公忽
遘疾乞致仕歸矣行至蕪林卒成化甲辰七月四日也葬
以次年正月一日春秋五十有五公所至喜興除利害疏
滌冤獄吳橋民趙綱家屠于盜莫跡其所由起公以御史
至其地綱見夢于公厥明捕盜六人下獄人以為神平生

博學二詩尤工書人以為得晦翁筆法公卒之十四年仲
子諫以進士拜南京監察御史進公階中議大夫贊治尹
茲御史中丞治水利吳中間詣予泣曰先公以直道齟齬
于時任不達而惠政在人不可泯葬且二十七年而墓碑
未刻其實有待迺序而銘曰

桐江之濱誰樹誰封有

明中議大夫鄒公鄭公之庸奮

自豸史孰為佞邪惠文則指正或見醜忽殞而顛于禮于
茶于郢于鄖地唯荒遠所至則發萎膏暘蘇去其苞枿公
惠多矣祿迺不羸施及後人爰有中丞中丞之耒維天
子使宜于民人實肖實嗣既侈其號復永厥聲實求予詩

刻在麗牲



浙江圖書館

明故中順大夫浙江温州府知府文君墓銘

吳寬

温州知府文君以弘治十二年六月己未卒于官其年十
二日丙申歸葬于吳縣梅灣之原君所自卜地也將葬其
二子魁璧具書并事狀來請墓道之文予發書歎曰君與
予相好久常約晚歲歸老吳中當尋山水之樂以償平生
之勞今吾歸其時笑而君先我以逝則所以同樂者何人
哉且君與人處雖笑謔中多直言而無隱情則所以資益
我者又何人哉以是久不能執筆而其第監察御史森耒
告曰吾兄之所望在此嗚呼豈吾忘情於良友者終無以

慰於地下哉君諱林字宗儒文氏其先蜀人五季自成都
徙廬陵宋有諱寶者為衡州教授始家衡山於信國公天
祥為叔父與通譜後兵亂譜亡莫能知其世次在元曰俊
卿以武官起為鎮遠大將軍管軍都元帥佩金虎符鎮武
昌生五子長定開國初從高皇帝平偽漢終荊州在
護衛千戶次子定聰選充散騎舍人後為湖廣都指揮蔡
本贅婿從本守蘇州不歸而蘇之有文氏自此始定聰生
惠惠生洪涑水縣學教諭洪生君幼傳家學成化戊子舉
于鄉壬辰登進士第初知永嘉丁父憂服除改知博平召
為南京大僕寺丞稱病去久之始起為温州君居官善察

人情遇事剖斷無滯求嘉邑大初至日理訟牒千數皆得其情民知其情決也雖家人細事悉來訴者父老以勞神勸曰縣令如家翁細事不當親也居數月凡民間丁產訪知已悉差科輕重皆守自編定吏不為奸而民帖文以服負山居民自恃險遠終歲不復役乃令父老好言論之民相語曰文公非舊令比自是率如期至邑有奸民數輩習訟喜奸慣恃官府短長至殺人無敢問捕之悉置於法其一尤奸者益附中官聲勢可畏君始至廉得其狀若無聞知者其人為君無能為也縱弛如故俄曰於憲司官言所以當治其人者憲司官以彼有所附難之君不顧以計召

其人臣出訟牒一篋示之其人駭服即縛去再宿竟死獄中浙東列郡皆稱快邑並海多盜捕之輒匿島中一旦召健卒授以方畧悉捕之獲上司論功當賞辭曰此令職也且邑有盜而捕何功之有隣邑以銀課不足中官派償督責甚急曰銀非土產吾民何辜與償且山澤之利責其所自使不足則常課亦當免况吾民手竟以先有為郡者民相訟難決使誓於神民益惑有事惟神之聽乃藉諸神祠在不祀典者悉毀之里為置厲壇曰此詔令也更取藍田呂氏鄉約附以時宜使父老立鄉社行之月朔則往躬講理問詢民間利弊人人得盡所言其意蓋欲正風俗興

禮義以化導其民在永嘉者幾四年治行爲浙江諸邑最
博平事簡事畢輒入學宮與諸生講業以學宮在郭外隘
而卑濕始擇地而徙之諸生欣欣翕然向學明年秋遂有
舉於鄉者蓋寥寥然六十年矣更考鄉賢孫直講頤而下
作祠學中祀之嘗行視四境見其外隆而中窪瀦水爲民
患乃浚河道凡四十里水始洩去民得安居又民苦歲輸
納王府糧言於長史司不聽乃上疏極論其弊仍乞
治暴橫者罪或謂宗室不宜論列禍不測笑曰吾爲民寧
能顧利害哉後詔令有司自行徵收如所奏地產
美梨有持獻中官者中官令民納以充貢曰梨於民何濟

使歲為例其何以堪俾悉伐其樹中官大怒會吏部以公
政績卓異奏召當擢憲職適謬言至竟授太僕寺丞于南
京曰寺丞非官乎至則以馬政久弛銳意舉行抉剔蠹弊
奸吏始無所容僚長有狼復者正色與辯卒亦信服奏按
南京將官及有司養馬不遵舊制者數輩於是人始知懼
而事集今上登極君奉表入賀陳言

聖政十事多見施行間又條陳數事于朝謂江南牧馬草
場數千頃為勢家所侵而馬無所養南方歲出馬二萬疋
徒勞解納而邊境不獲用皆當究其實既又上三策極言
利弊所當興革者奏下竟從其一又以有司所祀馬神瀆

禮不經宜令改正亦從之嘗以公署在滁易而每歲印俵
馬駒官吏胥長悉集於此殊為勞費請以寺丞分詣各府
以為便故事馬數不得刷卷曰豈有無文書而能稽較者
始令州縣治文書必精而其數始莫能隱他所舉者行者
尚多大臣多黷之然亦有嫉其喜事者遂移疾去及丁內
艱家居者七年會温州守缺知者交薦于吏部以君為宜
命下具疏懇辭不果於是去溫二十年人思之未已及復
至相率走百里外迎拜於前至則首省重役踈滯獄更增
修鄉約為政大率如前時復令各里立伐書詞狀之人以
減獄訟設互相覺察之法以免盜賊嚴育女蠲役之條以

重人命建軍衛之學之制以廣文風至於迎春鄉飲之禮
悉正其失一歲中凡七上疏皆言便民事民方賴之俄而
疾作遂卒闔郡悲思如失父母君居尚廉潔尤善防閑自
為令事上官執禮必謹至論事侃侃務盡所言或忤其意
不顧及臨民惟恐傷之苟有疾苦必為除之乃已平居與
人言開口輒見底裏或人有過面攻之君故舊家必周卹
其孤寡曲盡其意而於後輩接納獎勵惟恐不及其心之
厚如坎更好交游對交談笑盡歡而於山水登覽不厭為
詩文明暢有新意不蹈襲所著述多成編其學自堪輿卜
筮之類其說皆通可謂博矣君之父涿水君以君貴贈南

京太僕寺丞母陳氏贈安人繼母顧氏呂氏封太安人娶
祁氏贈安人繼娶吳氏封安人子男三人曰魁曰璧俱縣
學生曰室尚幼孫男三人女三人銘曰文以武仕顯于
前元虎符煌煌出鎮雄藩終顯以文自涑水君君為之子
家益有聞早登科甲軒然不群始仕於外或易而侮孰測其
中經畫毫縷民有未安以手摩撫南北異宜此家彼戶豈
不懷仁皆曰文父頌言百少諛言一多太僕南選意孰與
阿益勤厥事馬政無頗使就憲職當如之何終惠于民寄
以劇郡文父復來極我窮困爾痛爾瘡家至為問昔時于
溫恩澤已浚今也溫人罔不沾潤海山之陬有異鳥來戒

當其凶勿為民裁民曰公死我寧與偕莫救其身闔郡同
哀歛金助喪以授其子稽顙辭之無以為此吾父生廉願
污其死爰考遺事尚究其志將使勲名流于百祀胡車之
行輒折于軌傷哉中道重載是委尚安于茲有佳山水樹
碑于墳以播厥美

浙江圖

中順大夫湖廣永州府知府前按察司副使劉公墓誌銘

毛澄

弘治甲子十一月某日湖廣永州府知府前按察司副使劉公以疾終于正寢厥子俊民走使都下持其邑令翟君唐所為狀詣予請銘將納諸墓蓋公未卒之前予北上過公所時公病且革而談叙猶琅琅若平日然喻旬乃捐館茲請公治命也悲夫公諱璧字良玉別號守愚青之壽光人曾祖希閔祖吉父孝皆有行弗仕母王氏繼母查氏公溫厚穎爽治毛詩中景泰丙子山東鄉試成化壬辰授元城

令下車問民疾苦興其便者審戶為九則凡徭賦重輕視
以為差約期完稅無一人敢後措置耕牛種子以贍小民
流移復業者千餘戶偶大雨衛河水溢幾沒雉堞老弱幹
止未寧公備加諭勞賑予遂不為灾有訟者兩造既具因
化誘之皆引服用是遐邇稱之至形諸詩比上考父老持
水鑑以送曰某等且老未見治邑平明如戒侯者公謝遣
之戊戌召入擢廣西道監察御史甚持風紀嘗監收內庫
公稅閏節不行未幾奉 旨巡按大同宣府地方閱實邊
務宿弊洗剔殆盡時出師征虜寇 敕公紀功號為風力
庚子簡陞河南按察司副使未行遭母喪甲辰起復改湖

廣按察兵備靖沅等處至則實行伍時操練明賞罰一方
賴之尋以御人被誣事連公左遷鶴慶軍民府同知適署
府篆復商稅之舊私入盡革督賦戶無他費苗人遮道呼
曰公惠我公惠我楚雄有鹽井二而課弗平訟者累年公
受委徃勘命竭其井取新鹵奠之量鹽定課始息其政
行他境如此弘治己酉以疾乞休不允明年陞知永州府
操為益勵百廢槩興永文廟雅樂久亡公曰樂不備奚禮
之云乃具器教習之祀事以成減鹽稅令一引入米升於
府庾以充屬賦求有藩國嗣人不檢公抑之成仇事竟白
一旦浩然嘆曰吾其止乎遂致仕歸樂田園間不問時事

惟日訓諸子力學懇懇弗倦性至孝父母相繼喪歲時享
真必用文公禮鄉人化之嘗獨坐一室靜觀物理超然若
有所得如是者十餘年忽遘疾不起距生正統丙辰某月
某日享年六十有九娶常氏繼娶張氏皆同邑士族子四
天民先卒俊民克民舜民皆邑庠生志業向進女四長適
同邑魏琚次適新城畢主事昭次適章丘舉人袁公冕次
適人邑隋應詔孫二鉦鑄尚幼以卒之次年某月某日葬其
邑壘村之原銘曰 蚤負壞竒發軔百里惟民其傷恫瘝
在已予時有謚如鑑如水 帝曰來汝其位柱史往使雲
朔咸驚直指荐陟外臺益慎厥履維道之楨俄躓而起永

廟樂興自公伊始用是以治可槩他美良二千石古豈踰
此幡然賦歸維桑維梓樂且冒窮溘焉已矣惟公壽考令
名委祉後且日昌尚卜於子壘村之丘拱木風駛我銘玄
石永垂千祀

浙江圖書館

浙江圖書館



浙江圖書館

明故中順大夫建昌府知府蘇君墓誌銘

邵寶

正德甲戌春三月辛卯建昌府知府蘇君介福以疾卒於
官其冢子承芳吾常郡守李侯惟岳長女婿也以其年秋
九月奉君喪歸道京口用書告侯請銘于予予嘗聞君于
君之姻御史中丞王公朝言先是五年君以監察御史奉
勅總督江南糧儲予歸自漕臺一再見君越三年君得郡
南來訪予病中別未久而訃至何忍言銘然侯之意不可
虛也按侯所為狀君諱錫蘇其氏介福其字別號槐軒世
為山東濱州人曾大父某大父某皆以隱終父瑁膺貢入

太學授獲嘉縣學訓導以君貴 封監察御史母鄭氏

封孺人君幼穎敏甫十歲見古人詩詞豪壯者一二讀輒成誦對客歌之有激昂振迅之意既而侍監察公于獲嘉時吳御史天弘為邑每課試諸生必召君偕見君所作嘆賞不置成化丙午君與其兄銓歸補州學生銓有疾君日夕侍湯藥以進伺意所嚮而寬慰之疾且殆致書獲嘉猶為婉詞曰不如是則重親驚銓沒君哀慟幾絕具物成歛於是嫂田氏少二孤方襁褓君撫之慈田忘其寡焉居數年監察公休官家居謂銓既夭尤以高門屬君君求靜地卒業居宿於州東秦臺者若干弘治乙卯以書經領鄉薦

已未登進士第授直隸太湖知縣太湖政積弛君初至振以嚴肅暮而濟以裕再暮而濟以寬其自勵清勤始卒不變居四年巡按上君治狀 召拜山西道監察御史奉

命按視山海等邊閔倉儲廩馬稽閱惟謹蓋所至著風裁焉正德己巳有議革巡撫官者於是君方以才力稱于臺乃有江南之 命蓋其權實視巡撫君毅然當之惟民惟國不顧權勢厥既巡行蘇松諸郡見其賦繁而弊滋也乃立調區之法嚴加耗之令宿奸震懾人困稍蘇或以弊告君曰矯枉必過直吾嘗聞諸古人凡吾所舉蓋以濟時也他日將不更有濟之者乎聞者說服未幾以母憂歸既終

喪復任擢知建府君素著剛明聲民望而畏之君曰守令
同體建昌之民即太湖之民也至郡詢諸民曰利施之曰
害罷之不疑不沮事用和輯郡中民居櫛比先是屢火君
求古人火政為備甚悉其他備預事多類是巡撫藩臬稱
良守焉在官九閱月而病又三月卒年四十六配譚氏
封孺人子男五人長承芳次承學皆州學生次承訓承志
承恩女二適王恩溥次許聘王同量君喪至濱以明年乙
亥六月某日先葬于某山之原從監察公兆銘曰
民有師師國有紀綱或忘其事而地焉未當當焉而兼其
氣孔揚匪力則裕焉用成嗚呼蘇君以令以守以撫以巡

中外閱歷允為才臣地以成志非君而疇其人胡不永年
嗚呼蘇君



浙江圖書館

浙江圖書館



浙江圖書館

湖廣鄖陽府知府馬公墓誌銘

王崇慶撰

馬騏夏縣人字世用號梅軒以儒士領鄉薦時成化丙午也弘治丙辰登進士第初授行人奉使周邸進階脩職卽未幾選工科給事中馬端肅公見其文驚曰董賈未之或先也蓋自是公之名益著矣尋轉左給事公旣為諫官儀觀日整進退悉中禮度孝宗皇帝默眷念之視他諫官官為異焉旋復奉勅清屯田蜀於事竣因取道歸掃迎遺詔哀臨乃卽家庭設几筵北向長號聞者感動迨休老每論及弘治間事輒復淚簌簌下霑衣其忠不遺國思

故君恩故老又以為近世所未聞也公在官言事多不蓄
諫草公之仲子岫問得其遺稿讀之如論李廣之黨宜窮
治外戚之橫宜禁戢諫官吳舜之狂直宜包容皆時政之
要而切者也武宗皇帝即位有白金之賜以績晉徵仕
即推封二親及公之孺人旋轉刑科都給事中正德戊辰
廷試會掌試卷時宰臣某與逆瑾結納勢焰方熾衆觀望
意指欲以其子魁天下獨憚公抗直莫敢與議公得涇野
呂公卷倡言宜首選西涯閣老方猶豫已而涇野竟首選
如公言蓋公之補外亦自此始云是時逆瑾用事而公以
職當盡言侃侃不少屈瑾亦多勉從之有附瑾新入為給

舍者同官被逮假瑾納賂焉瑾有惠贈對賓僚誇且有矜
色公義形於色至鄙之以無恥客皆縮頸吐舌自以為莫
之敢也蓋卒至粟罰數百而免於竒禍之中亦鬼神默相
之與先是逆絲拜瑾為義父驟入銓衡公自蜀還會絲父
宿同驛館不與交壹語絲聞之以為慢也會時宰夙憾公
遂乘之構毀出公淮安府推官云既視事恠獄吏日報囚
病方大疫乃躬造閱獄踈放流徒以下幾數百人乃大辟
申救而獲生者叁人焉揚州有某甲者以所假姻家金首
飾令家僮送還途觀優戲忘而失去懼匿入淮淮人不知
也留為傭壹日遇故主詰其由詔謂淮人迷以藥攘其金

執之使不得還遂訟於官治淮民罪宜死公大以為疑曰
揚淮地咫尺既取金乃復留傭其人殆不近情因取成案
所具藥俾獄盜服之殊不驗蓋淮民被拷而誣服藥蓋平
日聞于俚瞽演說評話之謬倉勦拾冀寬刑責云耳因咨
於當路竟釋焉他如鹽城張生忠元夕遇豪家婦於隘巷
家僮爭道毆辱生群士不能平明日相率詣豪家褫婦衣
報之豪家富且健訟生遂黜公知非生罪且廉其貧出金
為生贖罪又一日有蕭尹者被誣逮公亦遂白其誣尹後
官至中丞公保全之力也其他平反多類此然公方且退
遜以為職分宜然則亦豈人所易及哉公常刑杖示罰而

民自服施藥惠民而病多痊行部不盛張騎從而老弱歡
迎觀者如堵墻焉郡守華公璉適並出見之因嘆公以為
平易近民不可及也後改官過淮百姓聞而出迎者相望
於道郡有何烈女申進妻徐氏皆懼辱身不從淫暴以死
公至為表其墓而立詞焉且撰雙列記以愧士夫之失節
者文宗黃公如金以清新老健稱之言知其文未足以盡
其蘊識者恨之先是流賊逼境公規畫嚴密賊知淮口不
可渡竟遁去時陶恭介公疏薦公於朝有操履端方才
識通敏之語至委公儲備軍粟旬日得金凡肆千有奇士
民告保留公者無慮萬餘人於是鎮遠候顧公士隆巡按

御史劉公文莊皆相繼以薦則公之人品政事可槩想矣
瑾黨既誅海內以公當恢復舊物宜殊擢顧持衡者無知
人之公瑾轉同知松江而已公既視篆後松多富室由是
畏公之廉而欲不得肆數年逋稅一朝完矣都御史王公
縝遂又力薦公會丁外艱歸乃中途得邸報有擢守饒州
之命公既歸哀不廢禮服闋再補守鄖陽其聲稱猶夫淮
也鄖陽在萬山中路多隘公因過而默籌計之及蒞政量
罪人情法可贖者俾脩鑿之至不爽尺寸由是遂成坦途
有罪人陳文臯者忿鄖民負楮貲詬詈取償民毋觸柱而
死誣文臯重獄公察之甚悉文卒免焉他若創浮橋葺廢

坊育賢養老振學課農敦風正俗屠奸剪弊鄖陽之人無
近遠老幼皆忻忻然以為創觀也是時揚公遂菴知公久
歷外郡勞績為最方擬大用會免歸弗果蘇有顯官者公
嘗以法及其姒黨公由是遂歸當同官日有諷公宜少貶
從俗者公正色荅曰窮通顯晦命也君子如命何公平生
以直道忤權貴用是仕路蹉跎弗甚利然天下公論亦以
是重公如中丞東磐張公禴則稱公為正氣侍郎樾岡胡
公錠則羨公為真男子則公之所伸者亦多矣區區官爵
利違安足言哉至嘉靖玖年夏陸月貳拾貳日卒得年陸
拾有伍云



浙江圖書館

松江府知府贈太常寺少卿張公墓誌畧

頌清撰

正德辛巳夏四月 上即位維新化元與天下更始文武
群臣諫止巡遊降黜者皆 召還于是張侯文明自電白
典史復山東道監察御史元年春造朝旬日以内閣政本
具疏請忠邪以端治亂之本未及奏語泄為將寧所嫉會
松江缺守吏部遂出補之都御史李公鐸上疏會侯首論
衆不赦犯例當置之 廟堂以作同遊者忠義之氣衆以
為確論章下銓曹不省公北人不習南水土又舟次蒸鬱
涉江而疽發肩背間至郡而劇視事甫一日而病十有捌

日竟不起時正德十六年七月二十五日也初授命時即
二守王君以董運下秋官獄而非其罪公多方調護王君
雖不幸而衆得末減民皆傳之視事日見獄具踰式者輒
斥去民謹然曰庶幾能撫我也卒之日起索冠帶東向端
坐而逝頃更大風澍雨飛屋拔木江海皆漲溢民相視慘
沮徬徨若喪其所親者嗚呼異哉○按御史馬君錄謂侯
以忠直抱鬱而死不獲大用宜贈官廕嗣以彰其節乃
詔贈太常寺少卿予嘗與公同朝而未相識然其在陝西
發正論以忤權臣下錦衣謫遠方蓋想其風聲而為之竊
嘆者數矣既起廢辱吾邦隨以疾病懷蘊美德而竟不一

施吾又嘗太息謂不知造物者之于侯意果何如也予安
能靳不腆之辭以慰侯之旅魂于萬里乎按公狀諱文明
字應奎姓張氏山西太原之陽曲人曾祖鶴祖惟謙父輅
贈監察御史母李氏贈孺人早卒公少鞠於繼母聶孺人
端正穎悟十三攻舉子業鄉老皆嘆異之十七補郡庠生
凡七試鄉闈正德庚午始得薦辛未擢進士授行人司行
人奉使有体藩方贈遺無所受時人稱之甲戌拜御史出
按遼東斥奸豪植良善人畏而悅之虜賊犯邊大官皆退
縮侯力主進兵連戰大捷斬首百數十級虜俱而遁去及
奏上大官皆自以為功取重賞公終無一言人以是多之

丁丑按陝西發中官廖奎貪橫事捕其黨忒十四人寘于
法明年先帝幸西邊上書切諫指斥權倖乞斬江彬有
諸司如紙糊泥塑之語時人以為切直誦之明年遂有電
白之譴蓋公之臨事知為國謀不避讐言怨類如此其年之
不永固有命焉而其所以齟齬于時則有然矣自傷不及
事所生養聶孺人倫盡孝敬待宗族有恩仲兄文錫素病
公在官問遺不絕及赴召涕泣不忍別命其子楹植置棺
衾為後倫親督視之教晉金為資用其厚于家人如此公
為御史時友人宦者高饋公以俸金公曰同窓某貧未遇
曷不以此周之我有祿受之是繼富也遂併以已俸共遺

之某寒士卒獲其濟以成其學其萬于故舊者又如此則
其平生所至而特立者夫豈偶然也哉

浙江圖書館



浙江圖書館

中憲大夫開封知府張君墓誌銘

劉龍

曩予在翰林時直講暇多與鄉縉紳遊石州張戶部君重
相與尤厚每吾遊未常不偕其子湘方教歲善屬句岐以疑
可愛遊則輒携以隨盡觀竟日正德戊寅受命戶開封
予餞之郊徘徊不能去予亦相持不忍分既別則通問亟
至忽三載將入芳績遇疾弗果而卒予適以先太淑人憂
歸讀禮湘至自石出見則斬馬衰經泣而拜且出高進士
金所為狀請銘君墓予愕然驚悼不覺為揮淚嗚呼君重
其適至斯邪其竟不可見邪予數年未以病謝文事于君

于湘又安忍辭和君諱鍵字君重世居石州宣化里兄弟
四人君其季也童時即嶄然露頭角見者謂張氏有子受
易于里人君文淵張君禮俱明經進士手為小友退居鳳
山研窮載籍作文素不屬稿語輒敬為人時副使馮君清攝
提學事常命題面試數百人置之首選丁卯薦于鄉明年
舉進士授南京戶部主事忤逆瑾逮至南京以義命自處
竟不為屈調衛輝府通判典境內稅事務為綏輯歲額登
口民不擾值河水漲溢壞民居承委治之䟽壅峻坊曲盡
其法水患以息瑾敗復戶部主事督儲天津值流賊奄至
勢甚猖獗兵備副使陳君天祥提兵禦之君為守登城誓

衆晝夜不息卒保無虞薊州在田累經奏瀆有司弗能決
君銜 金往勸躬履疆畝一一為精數歸其侵于民權勢
劍迹人皆豔之河套虜入寇關西大震長沙彭公澤涿鹿
鄧公璋相繼總制軍事諸鎮皆空廩請餉之使相屬於路
君召商易糴無搜積逋不遺餘力轉輸千里士無飢色會
蘭州大侵死者枕藉君發粟賑之親啜以粥活者甚衆事
竣東歸蘭民遮泣去則思之勤其事于石章菴翁筆也繼
延綏報警復以老練從統軍都御史陳公天祥給餉邊人
聞之喜曰以前張石州也吾輩何憂名益藉甚尋擢開封
中州省治隸郡縣四十餘文移旁午揮遣如流尤以撫字

為事事有不便于民必釐革之雖疆御弗畏飾吏以儒崇
學政養士風務底成效諸有弗能自給者輒周以粟至恤
其婚姻力為之所郡齋故有亭下有泮辛巳秋忽生蓮
盛開人以為瑞咸詠歌之卒嘉靖壬午九月二十四日距
其生成化丁酉十二月十一日春秋四十有六曾祖厚祖
文信俱有隱德考岌任葉縣主簿封戶部主事配崔氏治
家嚴而有法封安人子二湘居卒之前數日以御薦歸者
于任及治含歛妙齡高第遠大有可徵矣淞甫十歲亦聰
悟稱其家見女四長適劉時澤次適高恩皆郡之望族餘
尚幼葬以甲申三月十七日實城南徐家溝先兆也銘曰

維石有林維松維栢可以棟梁方掄而折維石有玉維瑾
維瑜可以瑚璉甫試而渝赫之官評于郡稱治豈其不泯
必崇以位二雛競爽飛且冲天豈其不死必永已年泉臺
既扁萬古長之文光在天星月交射吁嗟造物胡為手然
候見之起候見之顛奕彼閭封卿邦所望昔從我遊今銘
爾墻戒方宅憂冒敢越疆何以慰君銘寫我傷

浙江



浙江圖書館

杭州府知府呂君墓表

崔銑撰

弘治辛酉予遊太學廣人梁宗烈與予善宗烈亟稱永豐
呂祖和曰明爽有氣節能效唐人為詩已而予識呂君又
得其經學其研究密會意註外經義簡明發越無他長語
時 孝皇有道之朝卿大夫怙思耽寵老不知退情議鄙
之呂君作落葉詩寓風刺曰千山落處偏于曉一片飛夾
卽是秋又曰天南天北堪容汝莫送多情出御溝都士傳
誦壬戌春試整菴公掄之作魁吳文定升其次卷魯文恪
鐸也君名第九入對策賜第二甲進士八月授南虞衡主
事分司貞州鑿禁削冗因以採蔬貧民皆受分司顧後錢

負傭視其力以品其食不得藉記而勾稽之作義塚以瘞
瘳已自蒞祭泣感左右益以其瑕攻詩似唐王維自題曰
近却官舍清水如更喜官清水不如貞州士曰無愧詞後
遷貞外郎又遷尚文選郎中予亦來為封部主事與呂君
考覈詳嚴申教典削劉鐵柯在司寇恃其奧授凌壓諸曹
常為撥歷呂君移文責難之人皆喜君之直而快鉄柯之
挫也君配妻氏一齊先生子邑博之安號冰溪一齊莊敬
切實精貫精性言化字家人迪蹈彝典而妻安人解經書
貞懿呂君得內友之助士有售欺于名公者致譽籍甚
予之言呂君臥露者猶文辟至然日就湮剝吾聞之大父

云韻日呂君語予服其識止德庚午呂君晉杭州知府杭
全韻前宋未為麗地習尚奢逸遨樂過客厨傳上官供億曷
有極限呂君一切裁削志在教化御史張承仁恃才願使
各司獨于君加礼御史他日告予曰呂君不但氣不降而
乃無隙偵之甫八月以憂歸丁丑起赴銓將以君守寧國
有仇家之訟君固請終訟歸家其讐健險而所告事又糾
禁織練踰年乃白君築室山水之間不求仕己卯年四十
八而卒呂君大父晟景泰辛未進士終夔州知府有愛浹
民因名呂君曰夔父祥舉人封主事母俞氏繼母姜氏妻
安人治家政如君存時二子振武振芳孫一大衍安人有

各業儒嗟呼古之司刑者兩造俱至王訊即施或懲惡或
自寬不踰時而定示民以中吉也後世首鼠之徒持兩解
之說淹晉歲月壯士負屈而死富人給獄而貧而造誣之
凶得志矣如呂君者邦之良氏言主所須如水火而訟久
未白予時承乏太史未常不舍臆疾言于當路者而亦未
之何嗟乎可恨哉

浙江

圖

陳某傳

黃金

陳某真州人元季兵亂淮揚雲擾有志匡濟歲乙未
太祖渡江從諸將未歸東征西伐以材勇自奮著攻城略
地之績天下大定論功行賞遂托以心膂之寄拜中京留
守衛指揮使大懋聲實為國勲臣子某少有父風閑于弓
馬又習知文從父勅凡未附者亦以功擢長一旅之衆
天兵平雲南以所部從大將軍調度還奏捷于朝因畱脩
宿衛洪武十八年浙江叅政闕員上以武臣直亮可任
于是拔自武弁拜三品父階以行聰明特達論議設施與

僚友和衷相濟政令為之一新人稱為文武才云



浙江圖書館

江西建昌府知府約齋張公墓誌銘

崑山方鵬撰

嘉靖壬辰建昌府知府張公述職事竣南還便道過家以疾卒寔九月十一日也年六十有四明年癸巳有司舉祀鄉賢祠又三年丙申閏十一月九日葬蘆浦之東阡厥子崇儒持鄉進士張君鶚翼狀以墓銘請予與公同年又同官知德為詳也故弗辭公姓張氏諱絃字文儀號約齋魯大父瓊大父翰父忱贈南京工部員外郎母黃贈宜人配沈封宜人子即崇儒娶王繼秦女六俱適士人孫女一此其世系也公以庠生領弘治辛酉鄉薦登正德戊辰進士

知桐鄉縣又知高唐州進工部營繕司員外郎升禮部祠
祭郎中以疾在告改工部屯田司俱在南京擢知慶州府
調嚴州即抗章致仕用薦起知建昌府此其履歷也公少
孤貧常躬耕以自給然講讀不廢值歲大疫一月遭七喪
營葬皆不越禮待其弟與弟之子曲有恩意開門投徒多
多所造就今陸司成子淵則入室者也其在桐鄉以清簡
為治民甚宜之部使者上其治行檄召至京尋復外補其
在高唐適劉賊蹂躪州境公于城外設重門建敵臺阻以
深塹繚以長堤與民守之賊不敢犯蝗復告災下令捕蝗
若干易米如其教民爭趨之歲則大稔已乃興學校表貞

烈掩容發之金卮羽流之妾充播人口及守處州守以清
簡為治民又宜之去之日攀臥涕泣追隨出境者幾千人
及守建昌藩府鼎立大獄謂興調度有方民賴弗擾雖政
有繁簡任有久近然所至稱循吏焉此其修于家用于世
者也竊常評公心跡為實而朴茂恭儉而清苦闇然若愚
退然若虛其外易與耳然其中執守堅定不為利搖勢奪
者則人或莫之知也宜銘以昭之銘曰剛而壯頌悻々自
好柔則繞指亦侮之召孰如張公懿德雅操確然其心隕
然其貌外若無忤中不可撓行已蒞官率由是有歲者祠
在鄉之校俎豆其間寔補風教我懷伊人胡不大老毛琢辭

墓門為來告者



浙江圖書館

徐臨江墓誌銘

吳昂

君諱顥姓徐氏初字希道後更子淳別號龍山云世居浙
江之瀕為杭州錢塘人曾祖克敬附籍仁和于是更為仁
和人祖誠考聰以君貴封承德郎南京刑部廣東司主事
母潘氏安人君生弘治八年八月丁卯幼學胡氏春秋顥
敏絕人屬父弘肆下筆輒千餘言年十八為郡學生明年
出角應試才名已籍甚矣正德十一年舉鄉試高等十五
年會試中式明年辛巳今上初策士賜君進士出身授南
京刑部廣東清吏司主事廣東司取理京畿中訟獄號繁

劇難治君既明察疆力有執守日孜孜究心法家言翰年
大閑習所書獄辭老吏不如也同舍郎有疑獄多就問君
君咸為代剖无如其意所欲出諸郎咸自以為弗及由
是練達刑名之譽奕々播留都間而顧耻以刀筆自居折
節講學慨然慕程明道朱晦菴之為人素性不羈高論特
出人意表至是一變頓為沈默簡重意氣雍容如也嘉靖
五年進本司員外郎尋轉貴州司郎中就署內建澄心亭
暇輒靜修于中七年聞承德君訃去職起復除刑部陝西
司當是時蘭溪唐公為少宰延訪天下奇士々多推轂徐
君者唐公就見君驟問責難于君謂之難對曰君所謂可

而有否者焉臣獻其否以誠其可君所謂否而有可者焉
臣獻其可以去其否茲何容易矣而老生常談堯舜之道
為難矣其難唐公即以君任大用薦為儀制司郎中蓋殊
調也皇上方嚮意稽古禮文之事札下春官無虛日君咸
為草創其儀無^由謬者預賜敬一箴大禮集議大學衍義諸
書屬天下歲貢生候部至二百君為建白聽其附試京府
以廣旁求路蓋禮部歲貢生預鄉試始此君充屬守高公
卿以下十請一切不行要在絕私交行已志專心上報而
已以嚴見憚不得久居內遷拜臨江太守躬勤庶政常夙
興以矯遊惰擿奸發伏如神吏民莫敢欺他如去門卒通

塞蔽刻題名表官箴作郡志記文獻祠旗纛脩武備皆升
井規畫利當時而法後人赫然良二千石矣而違官貴人
取道臨江泊舟去府治且三十里君雅意不遊聲譽非大
事弗出郭要人請托輒拒之曰寧負權臣不負吾民又郡
中貴強之家抵禁痛繩以法不少貸治郡幾五載不遷考
績行過家居兩月一疾遽卒時嘉靖十五年辛卯年四十
二矣嗚呼血食後世余謂以彼其才出入禁闥陳說國体
聽獄決理使天下無冤民詎不當樹大勳德和乃鬱鬱之
久居郡齋志折何勝恨哉君少時善飲酒承德君戒之絕口
不飲及鹿鳴舉解尤以未奉父命為辭承德君常患怔忡

疾君事之湯藥消息曲當其意不解衣半歲父沒而養母
太安人躬備膳甘家事必稟止廩祿貨財悉委于三弟願
頤頤而傾囊助頤輸資為太學生其內行孝謹如此娶郭
氏故贛州別駕廷佐之女封安人產女曰中饋許配吾兒
遵晦長男曰立言季子曰立宰皆嫡君出而側室產一女
與仲子立德同母凡三男二女子君卒之明年冬十二月
丙寅立言輩從諸叔父葬君祖禰堂兆之東地里山名且
載承德君壙志中銘曰賁育可以城而俾牧羊鑊鉏可以
斷犀割鮮用傷有材匪常孔碩且良亦既用章云胡弗張
云胡弗張悠々彼蒼

浙江圖書館



浙江圖書館

故浙江紹興府知府瑞泉南公墓志銘

馬汝驥撰

嘉靖辛丑八月十九日予友瑞泉南公卒於家訃至予往
哭其第儀制主事逢吉所踰時主事奉使便歸將以次年
四月十一日葬公豐草原之西麓乃以公門人富平李按
察樞狀涕泣問銘按狀公諱大吉字元善陝之渭南人上
世蓋出河東中條山後徙蒲城已又徙渭南五世祖諱安
義安義生儼生言生珪生渭陽公金是為公父仕
至賓縣學教諭累贈奉政大夫戶部雲南同御中母焦氏
封太宜人初大夫太宜人以成化丁未禱嗣縣之泰寧宮

其年十月三日寔生公公生而璞質惠心即幼與群兒戲
坐俎豆行什五揮召倣儻見一唯公聽太宜人或以不材
罵之其大父聞曰嘻此固竒材也今當高大吾門閭矣稍
長大夫教之讀書即數千言善誦示之理即根極聖賢旨
歸恊之聲韻即謳吟鏘洋合古人調人咸呼曰神童子弘
治壬戌大夫貢入太學明年授訓導新野公畢從之學公
家也受小戴理又常一受易于冷教諭氏已又受礼于鄧
州常刺史氏常子倫有後才公與之交是時學既成父名
籍甚乃正德庚午以縣學增廣弟子舉陝西鄉試第四明
年舉進士時常生亦同舉復約時名流暇即以父會壬申

冬授戶部湖廣司主事出犒雲中還部劄理御廩倉改天津甲戌奔大夫喪歸制終起補江西司劄理保定糧儲改京坊草場戊寅夏五月三載考績階承德郎勅贈封父母暨其配張氏如制已又出犒上郡歸攝部本科事辛巳進員外郎劄理下糧廳進雲南司郎中雲南司者部難司也而本科攝如故會今上上徽號兩宮又獲誥命階奉政大夫復贈父母既其配張氏繼馮氏如制公在部會計當出納手事練達敢任初保定臨關徼地重政龐公悉心更釐又條上便宜四事草場在京坊亦唯法是持礙弗使者盜遺之火圖以罪易公比奏聞獨公賢不易而女姪黠者亦

暖為郎中值 今上登極尚書孫九峰公以耆舊起而倚
卽秦鳳山公往提學河南試公文知其才故部事悉任公
公感激知遇殫智極力不舛不撓漕運故無會議乃題處
畫一歲許督運大臣赴部議時在京七十二衛例有賞典
庫中人龍衣往事各弗逮下下又銀弗白公正統抗憲不以
勢奪一使大惠得人人實沽清京營諸食粮士勢憾害休
蜚語百端或以禍慮乃獨不一顧而深搜抹剔之盡至今
十庫及衛所人每言及尤稱曰南郎中南郎中也又常奉
詔陳時事多或所不敢言者未幾升浙江紹興知府紹興
又故稱難卽多宦家豪民鉅猾俗奢風悍法壞而人不存

府治之敞至堂弗蔽雨廊大弗脩公乃以身先之靖共
在位蚤作而暮不輟故新塗伯王陽明公座主也是時方
講致知之學親民之政公聽從其教任擇丞史治尚体要
諸凡舊政之不便民者一切罷之既憲之令典而又不屑
屑苛細勞身以赴時者農也均則以致一課也平心以求
是聽訟也先行以作又典學也脩禮以尽志寧神也檢身
以裕財益下也明義以遏欲章極也當是時圯廢既修矣
而大禹陵廟南鎮山神廟獨慎禮加先焉次城堞門閣府
衙書院皆一勞永逸學教既謹矣申以季試之規每府學
自試八縣學則各提調試試而每取一第士進之稽山書

院自著功令躬教之百需咸給故咸萬志無他累故當時
百五十餘人者今已十九出科目紹興固素稱文猷邦然
科目取教之多實自乙酉始協藝履道功願可哉疑法既
亭矣其議決大獄率以直道毛氏抵斃人之死田妻坐誣
人奸雖御史家無少貸若衢州守上虞令被誣停官獨
冒嫌洗雪之塘庸既飭矣而運河汙隘蓋濱居鉅家規
築日甚故徃來多阻旱滂無備至是始決排復舊防盜竊
既驅矣至渠魁獨杖殺教人雖善結大宦門而請寄一無
所聽官田既敷矣火珠山東山者王右軍謝太傅祠寺
也乃學士蚕食之亦必履畝限域絕其計豪黠既進矣

而諸既旦石氏寔上豪最乃特重之法論拒捕死適給事中
有勢力且同年子受賄干囑之竟不得風裕既正矣又裁
節婚喪二禮刊行之蓋越人婚姻論財至生女不舉而喪
家作佛事燕會至傾產以求勝故也當是時治教修明
奸盜屏息旦晝謳歌夜戶不閉則紹興固一太平郡也
彼小人者志不行乃反抱怨造言流謗兩京其一二有時
力者又陰佐之嘉靖丙戌春入覲考察會掌院都御史又
復故嘆陽明故遂力主閒住公官當是小民將安所控訴
孰雖有耆德大人心誠好亦不能縷之人辯矣是時家尚
在紹興比公之歸迎老穉望于閭丁壯走于野士夫交于

舟爭先泣送如失父母然彼伊人者有人心不當赧面縮
頸死邪不知我者莫不曰公不能婉委以趣時又莫不曰
公之官去人也知我者則莫不曰公蓋唯知以理自信又
莫不曰公蓋唯知以命自安也乃遂置之然携家以歸後
數年唐御史愈賢輩論上考察事猶舉公以證枉則天
下豈不有公論哉公閑居十五六年今邊圉多事而公之
充養愈益厚輿情方屬望起以大用而遽止此蓋壽才
五十五歲數也悲夫悲夫狀又稱公天性聰敏氣抗爽自
少受大夫教即知求聖賢之學後復間教陽明得實踐至
力肯察察處乃大信曰人心果自有聖賢也奚必他求奚

必他求嗟乎今之世以講學名者往往高談諱民稽其行
或尤如市人公奉二親至孝居大夫喪暨癸巳太宜人喪
苦寢粥食爨之熬杖以讀礼一弟即逢吉公教之學已夙
舉鄉試第三乃會試久不第公自官所及家居食必共案
衣必共采唯恐其心若有傷者成成竟舉進士其子軒公
又教之學今亦舉丁酉鄉試王門妹孀居二子幼四女在
室俱為經理嫁娶之且教其長子禔為學官增廣弟子公
次女許同年郭舉人伯盛子珠已而伯盛卒貧甚則周給
教訓珠今已為學官廩膳弟子蓋生平給一孀妹一女
夫嫁一遺妹一姪女四甥女娶一姪婦二甥而已子方髫

年初納聘不知其人先也嗟乎茲所為躬行君子者非邪
故在官能政在家能教常起滄西書院居從遊士從遊士
日日進又多斬之成立取科目為時聞人公所為詩賦學
盛唐漢魏而一本之性情為文必反之身心不求句字奇
而鬱氣弘詞自溢言外所著有瑞泉集三十三卷藏于家
紹興志謂南志則各藏在郡縣見者又無不喟嘆曰良史
才也公配張宜人縣人祿女繼馮華州人武功右衛經歷
也隆女又繼范永清人今三千營坐司都指揮僉事錦女
子男三人曰轅聘孫氏復騰氏曰鈴聘張氏倉大使好女
皆縣人曰轅聘華氏東氏工部郎中寶女皆范出女二人

曰芝英許嫁李廷珍十八歲死曰珠蓋嫁郭珠皆張出予
與公同鄉舉嘉靖初又同朝公之所以切嗟砥礪我者甚
至故予今之慨惜者特深然紹興人在京邑者聞公之卒
也知與不知無大小莫不走哭予祭也嗟乎是豈可以聲
音笑貌為和銘曰繫人之生遇否殊別龍真葉惧鳳偽楚
悅牛驥同阜者昔賢耻之月喘雪吠云胡爾知公子嬌々
鷄群之鶴不吐不如屹然山嶽為邦之政百代弗磨坎井
孰擠下石如何我名乃揚我道既成磷之緇之金鑿玉清
臧倉豈尼孟氏何豫我旋我鄉橫渠之故孝友訓家礼義
淑人深探獨得匪臆而身大材經綸試以毫末天不慙遺

俛仰今昨豐草之原秦村西南太華清澗與之合參佳城
汝卜百千萬祀白石予銘光于信史

浙江圖書館

滯川康君傳

許宗魯

康君名河字德清家於武功居滯水之濱因號滯川居士
少質秀發長嗣家學與其從兄修撰海兄員外浩皆以科
第後先興起君治詩能得詩人音奧發為詞章婉麗溫厚
正則平達觀聽者感懲革化風被為多論者謂其得詩教
焉故以之飾吏則司儲司稅以及典郡培本抑末通商裕
賦植善布惠才賢之稱播于卽署著于卽國顯奕宏肆駕
出流等古云不器君居之無忝焉然往爽介與人不尾合
方其居業與同業者評第文翰詮秩人物時出竒見以折

人務奪其氣乃已比其入乃益殫才効職不畏難不辭勞
不避嫌不規利故由之馳聲亦以之冒怨然其心則自負
無悔也至其解仕而歸脫棄塵俗放情丘壑期反天真一
切世務蠲屏無遺奄然歸盡畧無嬰繫謂非明哲鮮克如
此於呼賢哉君中嘉靖壬午鄉試癸未進士歷官戶部主
事晉員外郎再晉郎中出守兗州移守廣西內徙贛州病
歸而卒年止五十又五子楹桶孫承吉論曰故有周之都
邑古文献之所萃也其山川炳靈代育閑人載史錄彬々
然盛矣肆及我明康氏特鐘其美司空震發歷世丕承
內翰魁耀地官嗣光太守纂系朕海內家聲靡有甲子康者

而文藻節行並轡前修示型末學既備且煥矣乃皆振迅
未幾沈鬱蔚旋至人邪已邪時邪勢邪蓋不可究竟矣志曰
君子惟世之名匪世之榮久近之謂耳夫則吾于滯川君
也何憾焉贊曰滯川湯湯世渾流長有美少康白眉秀良
誕鐘厥祥用賓于王筮于曹卽典于大邦不極其光歛而
歸藏龍蛇其行屈伸孔臧楹楠嗣昌構肯堂慶祉煌々維
休無疆

浙

江



浙江圖書館





浙江圖書館



浙江圖書館



浙江圖書館

浙江圖書館善本


甲 登記號：006686

一九 年 月 日



浙江圖書館

colorchecker CLASSIC



xrite



mm

